

大藏聖教法寶標目卷第二

岱二

元清源居士王古撰

第三十四功德寶華敷菩薩會

右當第一百一卷從初至半說持誦十方現在佛名所得殊勝功德

第三十五善德天子會

與前同卷

右與流志先譯文殊師利所說不思議佛境界經同本異譯當第一百一卷從半至末文殊演說諸佛不思議甚深境界

第三十六善住意天子會四卷

右與如幻三昧經及聖善住意經等同本異譯從第一百二卷至第一百五文殊放光明召集十方諸菩薩衆不可計數諸大弟子入四萬三昧而不能見善住天子已曾供養多佛入深法忍辯才無礙文殊與俱見佛問法是經說甚深法不施不懼不戒不犯不忍不諍不進不怠不禪不亂不智不愚無凡夫無佛不因緣不無緣等法門過去已有七十四億那由他百千諸佛說此法彌勒賢劫未來千佛亦爾又欲

度造遯罪菩薩故文殊持効逼佛佛爲說  
法諸菩薩得無生法忍

第三十七阿闍世王子會三卷後

右與舊太子刷護太子和休二經同本異  
譯當第一百六卷從初至半刷護和休王  
太子名也問佛何因緣得端正蓮華化生  
知宿命相好智慧三昧不生八難生天上  
得六神通等佛隨問演說王子與俱來五

百同友受成佛記

第三十八大乘方便會

右與慧上菩薩問大善權經等同本異譯  
從第一百六卷半至一百八卷盡慧上菩  
薩問佛說諸菩薩以一搏食施給一切衆  
生一香一華供養十方佛禮敬一佛即禮  
敬十方佛如是等種種善權方便法門以  
至八相成道示現金捨馬麥十餘殃事等  
皆是如來善權方便教化衆生

第三十九賢護長者會二卷

右舊譯本名移識經新故名賢護長者會  
從一百九至一百十卷此二經本同譯別

賢護童真問佛衆生有識如寶在篋不顯  
不知身謝識遷如夢遷化捨此受彼獲當  
來報受種種身遷轉遷滅往來苦樂等事  
又大藥王子問佛識捨於身作何形像佛  
爲種種譬喻顯說

第四十淨信童文會兼後三卷同三 文

右當第一百一十一卷初波斯匿王女問  
佛菩薩正修行法得堅力安住生死成  
熟衆生六度四無量五神通化生諸佛前  
轉女身降魔轉法輪等佛爲說此經

第四十一彌勒菩薩問八法會

右本名彌勒菩薩所問經與大乘方等要  
慧經同本異譯當第一百一十一卷中此

法會有釋論五卷其要慧經文少略耳

說不退轉菩薩降伏

魔怨知一切法於諸世間心不疲倦速成

菩提等

第四十二彌勒菩薩所問會

右與舊彌勒菩薩所問本願經等同本異  
譯當第一百一十二卷末佛說彌勒以善  
權方便安樂行晝夜六時禮佛懺悔勸請

諸佛及願於來世人民無垢穢奉行十善時成佛釋迦佛以身命布施勇猛精進願於五濁惡世成佛度生

第四十三普明菩薩會一卷

右與摩訶衍寶嚴佛遺日摩尼寶二經同

本異譯當第一百一十二卷此舊寶積經論四卷佛說諸菩薩修行求無上菩提增進退失善惡邪正種種行相及有三十二法得稱菩薩及說菩薩二乘差別中道觀心等種種譬喻真實沙門像似沙門諸善惡事相

第四十四寶梁聚會二卷

教戒切至種種法義富備微妙學佛者當常誦讀

右當第一百一十三卷及一百一十四佛說沙門善惡垢淨梵非梵行種種事相營事比丘於三寶物中所不應作受諸罪報住阿蘭若乞食受糞掃衣等教戒精切比經名選擇一切法寶亦名安住聖種儀式亦名寶聚亦名寶藏

第四十五無盡慧菩薩會二卷兼後

右當第一百一十五卷初說十波羅密入

十地先相等法

第四十六文殊說般若會

右與大般若曼殊室利分及衆鎧所譯文

殊般若同本異譯從第一百一十五卷中  
至一百一十六卷末解在羽字號文殊所  
說般若經

第四十七寶髻菩薩會二卷

右亦名菩薩淨行經與大集寶髻品及康

僧會所出菩薩淨行經同本異譯當第一

百一十七卷及一百一十八

此寶髻會有釋論一卷

佛說六波羅密三十七菩提分法菩薩淨

行等

第四十八勝鬘夫人會一卷

右與舊勝鬘師子吼一乘大方便經等同

本異譯當第一百一十九卷勝鬘夫人波  
斯匿王末利夫人之女禮敬讚歎如來真

實功德佛爲授記號普光如來佛言此經  
成就無量無邊功德一切聲聞緣覺不能  
究竟觀察知見此經歎如來真實第一義

功德大受大願攝受正法入一乘如來藏  
法身空義及自性清淨心等義分十五章  
斷一切疑決定了義入一乘道

第四十九廣博仙人會一卷

右與舊毗耶婆經同本異譯當第一百二

十卷毗耶婆五通仙人領眷屬五百仙人

勤修苦行不食而齋有光明名聞問佛云

何布施死已得福福在何處有何形段佛

涅槃已供養塔等誰爲受者得何福報佛

如所問爲說有三十三種垢染布施不得

果報及說種種上施若佛現在若已滅後  
供養得福無異復有五種無上施謂佛及  
僧及說法者及父母復說生死轉識及生  
諸天欲樂衰相等事

大方廣三戒經三卷

右與寶積第一三律儀會同本異譯解在  
寶積第一會

無量清淨平等覺經四卷

後漢譯

阿彌陀三耶三佛薩樓佛檀過度人道經

兩卷

吳譯

無量壽佛經兩卷

曹魏譯

右三經譯文詳略小異本一經也

阿閦佛國經二卷 乃

右與寶積經第六不動如來會同本異譯

解在寶積

文殊佛土嚴淨經二卷

右與寶積經第十五文殊授記會同本譯

別解在寶積

法鏡經二卷或一第一譯

郁迦羅越問菩薩行經一卷或云郁伽長者經或二卷第  
四譯六譯三闕

右二經與寶積第十九郁伽長者會同本

異譯解在寶積

大乘十法經一卷

右與寶積第九大乘十法會同本異譯解

在寶積

胎胞經一卷

右與寶積第五十五五六五十七卷胎

藏會本同譯別解在寶積

普門品經一卷

右與寶積第十文殊師利普門會同本異

譯解在寶積

幻士仁賢經一卷或云仁賢服

右與寶積第二十一授幻師記會同本異

譯解在寶積

決定毗尼經一卷一切心識破壞

右與寶積第二十四優波離會同本異譯

解在寶積

發覺淨心經二卷

右與寶積第二十五發勝志樂會同本異

譯解在寶積

優填王經一卷

右與寶積第二十九優陀延王會同本異

譯解在寶積

須摩提經一卷亦直云須摩經

右二經與寶積第三十妙慧童女會同本

異譯解在寶積

阿闍世王女阿術達菩薩經一卷

右與寶積第三十二無畏德會同本異譯

解在寶積

離垢施女經一卷

西晉法護譯

得無垢女經一卷或云無垢女經義辨才法門第三譯

衣

右二經與寶積第三十三無垢施會同本

異譯解在寶積

文殊師利所說不思議佛境界經二卷譯第一

太子刷護經  
太子和休經

右二經與寶積第三十七阿闍世王子會

右與寶積第三十五善德天子會同本異

譯解在寶積

佛說如幻三昧經二卷

聖善住意天子所問經三卷

右二經與寶積第三十六善住意會同

譯別解在寶積

太子刷護經

太子和休經

右二經與寶積第三十七阿闍世王子會

本同譯別解在寶積

慧上菩薩問大善權經二卷 裳

右與寶積第三十八大乘方便會同本異

譯解在寶積

大乘顯識經二卷

第二  
唐譯

右與寶積第三十九賢護長者會同本異

第二  
譯解在寶積

大乘方等要慧經一卷

右與寶積第四十一彌勒問八法會同本異

譯解在寶積

彌勒菩薩所問本願經一卷

右與寶積第四十二彌勒所問會同本異  
譯比後譯文不足解在寶積

佛遺日摩尼寶經一卷

亦名遺日  
說般若經  
迎葉品

摩訶衍寶嚴經一卷

一名大  
迦葉品

右二經與寶積第四十三普明菩薩會同

本異譯三經互有詳略佛言此經所在是爲天下最妙之塔寺若從法師聞當敬法師如佛若敬法師供養奉持必得無上道命終之時要見如來當得身口意各十種清淨恒沙國土滿中七寶供養恒沙諸佛

及弟子衆恒沙劫一切施安起七寶塔不

如受持讀誦此經餘解在寶積

勝鬘師子吼一乘大方便方廣經一卷

云亦直勝

經第二譯

右與寶積第四十八勝鬘夫人會同本異

譯解在寶積

毗耶婆問經二卷

右一經與寶積第四十九廣博仙人會同

本異譯解在寶積

大集部一百四十二卷一十四帙

大方等大集經六十卷

推字至虞字

右佛成正覺十六年菩薩海衆悉來大集

佛於無緣象王衆中欲宣說菩薩法藏令

知諸佛深境界故於欲色天二界中間化

七寶坊如大千世界諸天龍鬼神等并及

十方佛刹諸菩薩衆一時雲集佛說菩薩

種種莊嚴種種光明十六大悲壞衆生三

十二惡業如來大悲行相因緣及如來三

十二業真實慧根慧業等法一至四寶女所

問品五至六說實語義語毗尼十力四無畏

十八不共法三十七助菩提分三十二相業因三十二障大乘法三十二速成就大乘法如是等無量寶聚不羈菩薩品說一切諸法自在三昧等第七海慧菩薩品說淨印三昧攝取大乘障礙大乘法八至諸菩薩各各說如是法住法門海慧說諸魔業佛說破壞魔業調伏波旬一次無言菩薩品解在發虛空藏菩薩品說虛空藏功德神通智辯方便行願等事一切法與虛空等微妙法門十九次說十方諸佛會集

寶坊調伏衆魔十他方諸佛會中各有大菩薩衆來集佛爲海衆說經四無量品說修慈悲喜捨淨目品說諸菩薩或作天像鬼脩羅八部鳥獸之像教化衆生閻浮提外有十二辰屬蛇馬羊等修聲聞慈各各一日一夜巡行教化衆生二十二至二十四寶髻品二十五至二十六解在寶積四十七會菩薩品二十七至三十解在罪字函三十一至三十三日密分三十四至四十五日藏分與前日密分同本異譯略日密分文中稍廣十方恒河沙

佛世界諸菩薩皆來集會佛說若住處有五比丘持法畏罪求解脫道供養獲大功德侵奪得大罪報破戒受施及在家人受侵損僧伽藍種種物皆獲大惡報諸佛刹各有大菩薩衆來禮敬佛說陀羅尼種種利益衆生等法星宿品說二十八宿等事濟龍品說諸龍受生受苦受樂業報因緣受三歸依盲龍即得淨眼熱惱餓龍皆得安隱佛付屬天龍大力鬼神等守護國土衆生等四十六至五十七月藏分說月藏

詳  
菩薩與八十億那由他菩薩從西方禮敬供養如來說吉祥呪利益衆生次波旬品說調伏魔事次說大集十方一切佛土無餘諸菩薩百億三界一切龍天諸部大鬼神等悉集無餘顯說甚深佛法爲護世間故以闍浮提諸國土付屬釋梵護世諸天一切龍神修羅夜叉鬼神等各各分布安置護持養育除障護善令法久住五十八至六十說菩薩修行校量失行不失行甚

大乘大集地藏十輪經十卷 陶

大方等十輪經八卷 唐

右二經同本異譯佛說地藏菩薩已於無量無數大劫五濁惡時無佛世界成熟有情具足不可思議殊勝功德於十方諸佛國土利益安樂一切有情除一切病惱憂苦逼切滿一切求願有人於一食頃歸依供養諸所求願速得滿足勝於百劫歸依供養諸大菩薩經說末法惡時人敗根如塙器空見如生盲五欲如石田不苗十惡

如臭身垢穢此經滅衆生煩惱令三寶久住佛言我遺法弟子下至非器無戒行雖應罰治無令還俗護持我法國王大臣宰官長壽安樂獲十種功德利益十輪者人王治國選用臣僚撫安民人教兵禦敵修營事業給養功藝賞善罰惡有十王輪法佛輪十種教化衆生斷十惡修十善建立聖道降伏魔怨令修行人成無上道

大集須彌藏經二卷

右如來功德天地藏觀音菩薩及諸龍王

等各說神呪護持國土利益衆生

虛空孕菩薩經二卷弔

虛空藏菩薩經

此後不開卷數  
並是一卷

觀虛空藏菩薩經

虛空藏菩薩神呪經

右四經同本異譯說虛空藏菩薩不可思

議功德能滿種種求願救苦懺罪察塗治

圍廁等法若見虛空藏天冠如意珠或珠

印印文有除罪字或聞空中聲唱言罪滅

皆是罪滅相禱疾病者或夢得藥或見像

或疾病即除虛空藏或譯云虛空庫又爲虛空孕譯文不同其義一也以此而推觸類而長之則凡於佛說可以得意而忘言矣

菩薩念佛三昧經五卷

右與般舟三昧等經文別

十方等大集菩薩念佛三昧經十卷民

右二經同本異譯諸天勸請佛說念佛三昧一切天龍夜叉阿脩羅菩薩羅漢人非人等海衆大集不空見菩薩見大神變妙

莊嚴事聞佛請法大弟子目連迦葉舍利

弗羅睺羅彌勒菩薩等說大神通各師子

吼佛說是三昧甚深經典

般舟三昧經三卷

拔波菩薩經

大方等大集賢護經五卷第七譯

第十三

右三經同本異譯前後七譯本開梵語拔波此

云賢護說念佛三昧功德佛言此經是諸菩薩眼是菩薩父母受持隨喜獲無量無邊福德速成無上菩提

阿差末經七卷

昔日無盡意

罪

無盡意菩薩經六卷

右二經同本異譯東方不羈世界現住普賢如來刹土無盡意菩薩與六十億菩薩俱來先現大光明神變舍利弗問無盡意

說初發心六度四無量六通四無礙智四攝四依三十七助道等法門一一皆不可盡說是法時次第有七十那由他又七十六那由他天人又六十七百千衆生發菩提心七萬六千又五百二千菩薩得無生

法忍三萬二千菩薩得日燈三昧十方諸佛皆同讚喜此八十無盡法悉能舍受一切佛法是諸菩薩不退轉印速能成就無上菩提

大集譬喻王經二卷 周

右舍利弗問佛答聲聞獨覺智慧如一滴水佛智菩薩智如大海水等種種譬喻甚廣

大哀經八卷

右是大集經初陀羅自在王菩薩品異譯

五卷初至第半此與大集經互有廣略佛放光明十方佛刹諸大菩薩來集佛說無盡法門成定光明莊嚴大悲哀愍衆生無量劫

來教化度脫無有厭倦如來三十二事業菩薩八大總持等法智積菩薩問何謂智

本何謂慧業佛爲分別解說十方佛刹六這震動及記魔波旬至佛法滅時生大歡喜墮阿鼻地獄受大苦故念佛故心得淨信即於地獄命終生三十三天復積善根以至涅槃

寶女所問經四卷 發

右是大集經寶女品異譯出第五卷半解後至第七卷半解

在大集

無言童子經二卷

右是大集經第十二卷無言菩薩品異譯

無量衆生發菩提心數十萬菩薩得無生  
忍金剛齊菩薩與六萬億諸菩薩從東方  
佛土來在釋迦佛身內坐蓮華臺聽汝而  
於佛身無有逼觸而佛身無增無減無礙  
有如是等不可思議法門

自在王菩薩經二卷

十五

奮迅王問經二卷

同本童子生不啼泣乃至八歲無所言說  
佛言此童子是大菩薩已曾供養無量無

邊諸佛得不退轉當成無上道我今說是  
大集經典此童子於此中當說經法利益  
無量衆生湧身空中讚佛功德問答法要

右二經同本異譯說菩薩四自在法一戒  
二神通三智四慧一切聲聞辟支佛之所  
無有金剛齊菩薩安住於戒八萬四千諸

魔千歲隨逐乃至不見一念心散可得怖

惱魔言我於千歲求汝心行不能知處菩薩言恒河沙劫求之亦不能得心不在內

不在外不在中如幻化人尚無有心況心行處魔等受化皆爲弟子往昔金剛齊即自在王菩薩是也四自在中各有如是微妙法門

寶星陀羅尼經十卷

佛說陀羅尼變五百魔女爲丈夫身大集十方佛現大神變降魔衆說諸神呪祐護

一切等事

華嚴部總二十六部一百八十七卷一十八帙

古華嚴經六十卷 湯字至道字

右第一晉譯唐譯九會晉經七會初闕十定品重會普光故唯八會唐譯三十九品晉經三十四品初會中唯有二品一世間淨眼品即今世主品盧舍那品即今現相已下五品初會闕四兼闕十定故唯三十四品餘諸品會大同文有小異翻梵本三

萬六千頌成五十卷或六十卷唐譯益九  
千頌通舊總四萬五千頌合成唐本八十  
卷按隋譯經三藏極多云于闐國東南二  
千餘里有遮拘迦國王宮有摩訶般若大  
集華嚴三部大經並十萬偈般若經裝法  
師已取到全譯出六百卷外大集經若具  
卷二十一  
出可三百卷華嚴十萬偈今八十卷纔僅  
半珠唯願支那緣熟諸聖加被大經東傳  
早見全寶使大法明普照無極

大方廣佛華嚴經八十卷 垂字至首字

右唐譯此經七處九會說三十九品八十  
卷七處者人中三天上四初諸來海會諸  
菩薩作是思惟云何是諸佛地云何是諸  
佛境界云何是諸佛神力諸佛所行諸佛  
神通諸佛無所畏諸佛三昧諸佛無能攝  
取諸佛眼諸佛耳諸佛鼻諸佛舌諸佛身  
諸佛意諸佛身光諸佛光明諸佛聲諸佛  
智願佛世尊開示演說又諸佛皆說世界  
海衆生海佛海佛波羅蜜海佛解脫海佛  
變化海佛演說海佛名號海佛壽量海及

一切菩薩誓願海發趣海助道海乘海行  
海出離海神通海波羅蜜海一切菩薩地  
海一切菩薩智海十住十行十迴向十藏  
十地十願十定十通十頂爲成就一切菩  
薩故令如來種性不斷故演說一切諸法  
第十二  
而說九會所說經共答此問詳如大疏

第一會菩提場中說世主妙嚴至毗盧遮  
那品六品十一卷經名舉果勸樂生信分  
謂舉揚如來十種法界無盡身雲二十重

華藏莊嚴刹海依正二報難思之果勸厲  
當機聞而樂欲生其淨信發趣修行如佛  
證故第二會普光明殿說十信等第三會  
忉利天宮說十住等第四會夜摩天宮說  
十行等第五會兜率陀天宮說十迴向等  
第六會他化自在天宮說十地等第七重  
會普光明殿說十定十通十忍等從如來  
名號品至如來出現品三十一品四十一  
卷名修因契果生解分因謂因行豎該六  
位果謂佛果總攝十身進修契證令生勝

解欲使一乘圓機依此所詮發揚妙智進  
趣修行成六位之圓因契十身之滿果第  
八普光明殿普賢說離世間一品七卷經  
二千行法名託法進修成行分謂上差別  
因果生解既終今乃寄託前法攝解成行  
故隨舉一行六位頓修古德頌云河傾二  
百間瓶瀉二千酬一心觀性海萬行炳齊

故善財依佛菩薩歷事知識隨所見聞無  
不契入總斯教理不出信解行證若兼所  
信所解所行所證即自真心共成五字斯  
乃本末該羅頓漸融攝皆指一心同歸性  
海耳此經以入法界緣起普賢行願爲宗  
諸佛祕藏如來圓教不思議解脫頓入佛  
乘已上清涼疏

華嚴一乘祕教亦名不思議解脫經功用  
大故感應亦大一四句偈地獄衆生聞之  
而脫苦盪掌滴水蟬蟻微類承之而生天  
人證入成德分由前大行既具觸事造微

欲學佛心慧了佛境界證佛地位依此一乘法性海而修行者不歷地位初發心時便成正覺悉與三世諸如來等譬如衆流一滴之水纔入海中即名海水若依大乘二乘權教備修萬行綿歷多劫不如聞是

經以少方便疾得菩提經云此經不入一

切衆生二乘人手唯除菩薩摩訶薩一切聲聞緣覺不聞此經何況受持若菩薩儻那由他劫行六波羅蜜不聞此經雖聞不信是等猶爲假名菩薩若有此經卷地即

是如來塔廟禮拜供養彼衆生等具足善根滅煩惱患得賢聖樂聞此普賢大行海印深定法界體性方知華嚴是佛根本教釋氏宗極故修此感應傳廣示未聞出華嚴感應傳

信力入印法門經五卷

十九

右上三卷佛說諸菩薩清淨初歡喜地得大無畏安隱處法次二卷普賢說諸佛無障礙智教化衆生力自然智普門現前無邊身一切偏見無差別無依止智等法門

末說信毀種種罪福

度諸佛境界智光嚴經

佛華嚴入如來德智不思議境界經二卷

大方廣入如來智德不思議經

右三經同本異譯說如來安坐不動而普

現一切利益衆生

大方廣佛華嚴經不思議入佛境界分

大方廣如來不思議境界經

右二經同本異譯普賢說佛出現乃至涅槃

刹土時劫光明威德等事皆不可思議

及諸菩薩修習法門

大乘金剛髻珠菩薩修行分

右說佛於往昔經無量劫承事諸佛修習

法門

大方廣佛華嚴經修慈分 伏

右彌勒問佛云何少用功力安樂無倦而能速證廣大佛法在生死中不受無量衆苦逼迫於諸佛法速得圓滿佛說應修慈心爲最上功德速具相好成無上正覺想念身中有十方諸佛國土隨一切衆生所

須與種種安樂捨離瞋恨怨結平等利益  
是修慈人乃至未能離於分別起我我所  
見亦常得六種梵天之福無始惡業皆得  
消滅

大方廣普賢菩薩所說經

卷一  
二十

莊嚴菩提心經

大方廣十地經

右三經同本異譯信力入印法門等十一  
經並與華嚴分有相似是眷屬攝而非正  
部

兜沙經

右是華嚴經如來名號品異譯

菩薩本業經

諸菩薩求佛本業經

右二經是華嚴淨行品異譯

菩薩十住行道品

菩薩十住經

右二經是華嚴菩薩十住品譯

新經在第十六卷略

漸備一切智德經五卷

偈無

十住經四卷 戎

右二經是華嚴十地品異譯天親菩薩造釋論二十二

卷

等目菩薩所問三昧經三卷

右是華嚴十定品異譯袋二

廿一

顯無邊佛土功德經

右是華嚴壽量品異譯

如來興顯經四卷

右是舊華嚴寶王如來性起品及十忍品

異譯新經名如來出現品

度世品經六卷 羌

右是華嚴離世間品異譯

羅摩伽經三卷

右是華嚴入法界品異譯

此羅摩伽經比於本品文闕不

同於其中間譯出少分爾

大方廣佛華嚴經

右續華嚴經入法界品

或有經本續入大部之中在第五

卷七

涅槃部總六部五十八卷六帙

大般涅槃經四十卷 遍邇壹體

右北涼天竺三藏曇無讖第五譯宋文帝  
元嘉年中達于建業時有沙門慧嚴慧觀  
謝靈運等以識前經品數疎簡乃依舊泥  
洹加之品目文有過質頗亦改治結爲三  
十六卷行於江左比前經時有小異虛字

函有論一卷略釋大經又論一卷釋本有  
今無一偈佛言吾滅度後汝等四衆當勤  
護持我大涅槃我於無量萬億阿僧祇劫  
修此難得大涅槃法今已顯說此是十方  
三世一切諸佛金剛寶藏常樂我淨周圓

無闕最後究竟理極無遺諸佛於此放捨  
身命故名涅槃汝等欲疾得菩提令一切  
衆得出世法當勤修習此涅槃經出涅槃  
後分

宣律師問天人韋將軍曰諸佛說教何等

偈爲般若何等爲華嚴何等爲法華何等

卷二

爲涅槃答曰但是無相離我我所即入般

若但是說諸度萬行悲智攝益即入華嚴  
但是授聲聞等記作佛即入法華但是決  
擇邪正說一切衆生皆有佛性即入涅槃  
如此決擇古今未有味道君子幸願知音

大般涅槃經後譯茶毗分二卷 率  
感傳出靈

右是前大般涅槃經之餘懶陳如品之末  
兼說滅度已後荼毗等事佛言若佛滅後  
一切信心所施佛物應造佛像佛衣七寶  
檣蓋香油寶華除供養佛餘不得用即犯  
盜佛物罪若佛現在若涅槃後有人以七  
寶堂殿衣服飲食一切樂具恭敬供養佛  
像及舍利如芥子許乃至尊重讚歎是二  
人所得福德無二無別無量無邊能令衆

生離三界苦得涅槃樂佛欲涅槃以手却  
衣顯出師子胸臆上昇虛空高七多羅樹  
七返告言汝等大眾應當深心看我紫磨  
黃金色身汝當修習如是清淨之緣於未  
來世得此果報自今見已無復再覩佛教  
涅槃放大光明現種種大神變大聖金棺  
佛二力士衆人皆莫能舉佛神力故自然乘空  
徐行入城西門而出東門左右繞城七市  
諸人天等各設廣大殊勝供養栴檀沉水  
積高如山人天舉火皆不能然日葉至

金棺自然開見佛相好紫磨金身閉棺已復現雙足光十方從佛心胸自然火出分布舍利滿八斛金壘天上人間起塔供養

大般泥洹經六卷

右是大般涅槃經之前分盡大衆問品同本異譯

方等般泥洹經二卷 賀

四童子三昧經三卷

右二經同本異譯佛於雙樹間將入涅槃

諸弟子衆皆大哀戀有四童子皆大菩薩從四方佛刹來現大神通會集供養與佛阿難問答說法時無量無邊人天菩薩得道得果得無生忍佛放大光明度諸地獄極苦衆生皆即生天乃至成阿羅漢無央數人天菩薩皆得道進果以至立無上正真道魔波旬惱恨悲泣今日所度雖佛壽一劫所度不能過此我界遂空佛言所未度者如大地土所度者如爪上土耳及諸佛爲羅云說法安慰佛言我所應度者皆

已度訖未度者皆已作得度因緣我所應作皆已作竟

大悲經五卷

右說佛將涅槃諸弟子哀戀佛安慰阿難等說正法不滅迦葉等及佛滅後有諸大

神通智慧威德弟子流布佛法汝勿憂愁  
次說供養佛舍利如芥子及作形像塔廟乃至散一華於空中若生一念敬信果報福德不可思議終當得至涅槃佛執阿難手付囑法藏令廣宣流布令勿隱沒第一

卷說大梵天王念言我能勝他他不如我是智者三千大千世界中大自在王造化衆生世界等佛言非汝所造所化是業所化此大千世界是佛土梵王禮懺悔過方廣大莊嚴經十二卷

右二十七品說如來於兜率天宮下生處胎降生示現童子示書現爇遊行出家苦行降魔成佛轉法輪等次敘甚詳第十一說十二緣三十二相業末說人能受持此經有種種勝妙功德

普曜經八卷

右二經本同譯別文詳略有小異爾

大藏聖教法寶標目卷第二

標二

升五

音釋

鬘  
切莫婆  
貽  
切輸闇  
坏  
鋪杯切未  
燒瓦器也  
盲  
莫耕切  
盟  
古玩切  
讖  
讀  
墁  
徒含切  
屬  
牒手也  
識  
切  
壇  
屬覩音式

永樂北藏

大藏聖教法寶標目

第一七七冊